



RIPPETITIESHEMA

SEZOEN '24-'25

CAFE FORUM

Vriedag	6 september	19.30 oor
Vriedag	27 september	19.30 oor
Vriedag	18 oktober	19.30 oor
Zoondag	17 november	14.00 oor
Vriedag	13 december	19.30 oor
Zoondag	5 januari	14.00 oor
Zoondag	26 januari	14.00 oor

**Op zondag 5 jannewarie hawwe veer ouch us
nuijaorsreceptie incl. Aajd Mestreechs Bitterballe Treffen**

**Euver wie veer ut ut bèste kinne regelen mè ut drinke teidens de rippetieties
in Cafe Forum zien veer nog hèl aon ut naodinke, veer hope veur 6 september
mie te wete.**



Blamaasj Middag Matinee 2024:

De Blamaasj Middag Matinee geit dit jaor plaatsvinde op zondag 6 oktober. Activiteit en locatie is momenteel nog top secret!

Mie info volg zsm.

Blokkeer 6 oktober alvas in eure agenda!

Trökblik BBQ 2024:

Op 6 juli j.l. heet uzze jaorlekse BBQ plaatsgevoonde in d'n hoof vaan Bea en Carl.

Doordat ut Nederlands elftal mos speule dee aovend hat de BBQ boete un Amerikaans tintsje ouch un aordeg oranje tintsje. Gelökkig hadde de Hollenders gewonne en dat kaom de feesvräög allein mèr ten goede. Mèt 32 lui waor ut gezellig drök en de stumming zaot dr good in. De (achter) buren waore vaan te veure gewaarsjouwt dus dat waor wijer gein probleem. Ouch de tombola waor weer un groet succes en heet bijnao €200,00 netto opgelieverd.

Bea, Carl en de ganse BBQ kemmissie bedaank!!!





Nuits vaan de meziekemmissie:

De meziekemmissie is alweer drök bezig um te zörge tot veer weer mèt vastelaovend muzikaal top kinne prestere!

Nao de Blamaasj-O-Poly zien veer erg benuijd naor wat ze dit jaor weer allemaol veur us in petto höbbe!

Veer zowwe ut daan ouch zier apprècière es geer in groete getale aonwezig zeet op de 1^e (en netuurlik ouch alle aander) rippetietie op 6 september!!

Es geer ECH neet kint daan svp allein aofmelle via:

meziekemmissie@outlook.com

Der beij zeen is mètmake!

Nui (aspirant) leie:

Wie besproke op de ALV weure eventuele nui leie iers veurgesteld aon de euverige leie.

Es d'r iemes bezwoer zow höbbe op ut touwtrejje vaan ein vaan de nui lui, daan kint heer of zie dit kinbaar make bij ut bestuur.

Veer höbbe dao in 't volgende veurstel:

***De kins iemes dee bij Blamaasj wèlt kome → Geef de naom(e) daan iers door bij 't bestuur, en wat degene späölt;**

***Same mèt de muziekkemissie kieke veer iers of d'r gein belemmeringe zien qua muzikaole bezètting;**

***'t Bestuur sjik vervolgens 'n beriech binne de appgrop vaan Blamaasj (of zoe wie noe, via de nuijsbreef) en stèlt degene veur;**



***Geer hōb daan e paar daog de tied um bij 't bestuur aon te geve of bezwoer is op 't touwtrejje;**

***Gein bezwoere? Daan nuuje veer degene oet veur de rippetities en es bliek dat de betreffende persoen good in de grop velt, kint heer of zie lid weure vaan Blamaasj.**

Aofgeloupe Vastelaovend hōbbe d'r un aontal lui es gastpeuler mèt us mèt gespäöld.

Un aontal daovaan voonte ut zoe leuk, tot die gevraag hōbbe um lid te weure van Blamaasj.

Ut betrōf veur noe de volgende 3 lui:

***Frank Slangen, späölt pauk en kömp van Bloco Mosa.
Via Paul Gijsen is heer bij us terech gekoume.**

***Frank Soeters, späölt eigelek snare mèr is drök bezig um tromput te liere speule.**

Ouch heer kump vaan Bloco Mosa aof en is ouch via Paul bij us geland.

***Christian van Bogaert, späölt trommel en heet al dekser mèt us mèt gerammeld.**

Heer is unne bekinde vaan Richard en Linda.

Moch geer bezwoer hōbbe op ut touwtrejje vaan ein (of mie) vaan bovestaonde lui, daan hure veer dit gere zsm.

Veer hope tot geer allemaol un fein vekansie hōb gehat (of mesjiens hōbbe luij nog vekansie).

En goon devaan oet tot ederein oetgerōs is zoetot veer in september d'r weer vol tege aonkinne goon!

Tot 6 september!!

Naomes ut bestuur vaan Blamaasj,

De kretser(s)